

Celta, beste aurkari zuzen bat

Gomezi ez zaio lesioa osatu azkenean, eta Kraussek deialdian sartu du Imanol

Celtaren zelaian jokatu-ko du gaur Realak. Berririo partidu garrantzitsua daukate txuri-urdienek, Celta aurkari zuzena delako UEFA-ko lehiari, Realekoengandik bost puntura dago eta. Kraussek Donostian utzi du Gomez lesionatua, eta deialdian sartu du Imanol, hamaikakoan jarriko ez badu ere.

Enekoitz Esnaola / Donostia

IMANOL Celtaren aurkako partiduko deialdian sartu izana da nobedade nagusia. Ez du hasieratik jokatu gaur, Miguel Fuentes zigortuta egongo den arren, baina sikiera deialdian sartu du Bernd Krauss entrenatzaileak, eta gaitzerdi.

Juan Gomez ezin izan da azkenean ondo jarri, eta deialditik kanpo geratu da, Iker Sarriegi, Mutiu Adepogu eta Luis Perez geratu diren bezala. Oscar de Paula eta Iñigo Idiakez ere ez daude zerrendan, baina jakinekoea zen hori alde aurretik, min hartuta daude eta.

Hamasei gizon eraman zituen atzo arratsaldean Kraussek. Hamaikakoa erabakita ere eraman zuen entrenatzaileak Vigora, eta, hala, Aitor Lopez Rekartek jokatu du eskuin lateralean Fuentes zigortuaren tokian, eta Agustín Aranzabalek ezkerrean. Hori dela eta, Kraussek esan du Realak ohi baino gehiago iritsiko dela aurrera. Izango da beste aldekaketa bat hamaikakoan: Gomezen ordez Andoni Imaz ariko da euskarri (Realeko zuzendaritzak hamaikakoa eguneko epea eman omen dio kontratuari buruz behin betiko erantzuna emateko) eta Xabier Gracia, derbiko golegilea, taldean sartuko da, zelaia erdian eskuinean hain zuzen.

Josema gipuzkoarra ordezko

Celtan ez du azkenean jokatu Rafael Berges ezker lateralak, lesionatuta baitago, eta Javier Iruretagoiena Irureta entrenatzaile irundarrak bi jokalaririk dituen postu horretarako: Geli eta Josema hernaniarra. Badirudi Gelik jokatu duela hasieratik. Iruretak hemezortzi jokalaririk sartu ditu deialdian, eta haien artean dira Patxi Salinas bilbotarra eta Ito; aurreko jardunaldian ez zuten jokatu, zigortuta zeuden eta. Revivo erdi-puntak arazoak ditu bizkarrean, baina jokatzeko moduan dago.

Gaurko oso partidu garrantzitsua da entrenatzaile irundarren ustez: «Jokoan hiru puntu baino gehiago egongo dira, bi goleko aldeaz irabazten badugu, alde izango dugulako gol tartea.

Bestetik, Biolentziaren Aurka-ko Batzordeak erabaki harrigarri bat hartu du: gaurko partidua «oso arrikutsua» da, eta segurtasun neurri bereziak hartu behar-ko dira.

JARDUNALDIA 25		Balaidos, 17:00 (PPV)	
Lopez Nieto		REALA	
CELTA		REALA	
Entrenatzailea: Javier Iruretagoiena		Entrenatzailea: Bernd Krauss	
Aulkian: 25 Diezma, 16 Eggen, 4 Patxi Salinas, 22 Josema, 17 Dutuel, 10 Ratkovic, 23 Moises		Aulkian: 25 Olabe, 12 Antia, 24 Imanol, 17 Mild, 4 Cvitanovic	
Etxean: Irabazi 9, Berdindu 1, Galdu 1, Golak alde 19, Golak kontra 5		Kanpoan: Irabazi 2, Berdindu 6, Galdu 3, Golak alde 12, Golak kontra 10	
Orokorrean: Postua 7, Puntuak 38 (+5)		Orokorrean: Postua 3, Puntuak 43 (+18)	
AZKEN EMAITZAK			
91-92 -		93-94 3-2	
92-93 2-1		94-95 2-1	
		95-96 1-1	
		96-97 1-1	



Fuentes, Sa Pinto, Gracia eta Lopez Rekarte, entrenamendu batean. Azkeneko biak titular izango dira gaur.

EDURNE KOCH

◆ Lorenzo Juarros, 'Loren' ◆ Realeko defentsa

«Ez da harritzekoa Celta egiten ari den denboraldia, talde ona baita, nire ustez»

■ Beste partidu garrantzitsua bat, berriz ere aurkari zuzen bat izango duzuelako aurrean.

Hala da. Irabazten baldin badugu, Celtaren eta gure arteko aldea asko handituko da, zortzi puntuko aldea kenduko diogulako, eta gol tartea gure aldekoa izango da. Anoeta estadioan lehen itzulian 2-1 irabazi genuen eta. Horretaz gain, baliteke gure aurretik eta atzetik gertu dauden talderen batek huts egitea jardunaldi honetan, eta, beraz, oso garrantzitsua litzateke Vigon garaipena lortzea. Orain arte bezala segitzen baldin badugu, akaso denboraldiaren bukaeran

UEFA ez den beste helburu bat izango dugu, zergatik ez? Baina ezin dugu lo hartu, atzekoak indartsu baitabilza eta segituan gerturako baitzaizkigu ez bagara ongi aritzen.

■ Celta, Real bezala, oso ederki dabil etxean. Partidu zaila, ezta?

Denboraldi ederra ari da egiten Celta etxean. Baina ez da harritzekoa, ekipo ona baita, nire ustez, jokalaririk onak ditu eta. Garbi dago Iruretak erabiltzen duen eskema nolakoa den, eta hartara jokalariek badakite une bakoitzean zer egin behar duten. Donostian jokatu genuenean haien kontra,

arazo asko izan genituen partidua irabazteko. Orduan ikusi genuen talde ona dela Celta.

■ Berriz ere Iruretaren talde bat, kasu honetan Celta, sailkapeneko goiko postuetan dago. Zer iritzi duzu horri buruz?

Iruretaren talde guztiak izaten dira serioak, eta azken denboraldietan garbi ikusi da haren ekipoak ongi moldatzen direla.

■ Zer moduzko jokalaririk iruditzen zaizkizu Celtako aurrelariak?

Jokalaririk onak dira Cadete, Mostovoi, Revivo eta konpainia. Baina Espainiako Liga honetan talde ia gehienek dituzte aurrelari-

Gaurko hamaikakoa

• ENEKOITZ ESNAOLA •

Aurrea hartu dit Kraussek, eta, ondorioz, gaur idatziko ditut denboraldiaren bukaera aldera idaztekoak nintzen zenbait lerro.

Ikusi egin behar zer postutan jokatu duen hurrengo denboraldian Sa Pinto portugaldarrak -futbolista puska da-. Erdi-punta jokatzeko badu, Kuhbauer ariko da zelaia erdian eskuinetik eta De Pedro ezkerretik. Sa Pinto bigarren aurrelari gisa jokatzeko badu, berriz, bi posibilitate daude: bata, Kuhbauerrek erdi-punta jokatzeko eta De Pedro zelaia erdian ezkerrean, eta Lopez Rekartek eskuin lateralean eta Aranzabal ezker lateralean, eta beste posibilitatea, Kuhbauer zelaia erdian eskuinetik aritzea, De Pedro erdi-punta, Aranzabal erdian ezkerrean, eta Lopez Rekarte ezker lateralean.

Nik uste zaila izango dela Sa Pinto bigarren aurrelari gisa ikustea, hortxe baitago Kovacevic -ezinbestekoa da Kraussek iduriko-, hortxe baitago Craioveanu -Kraussek aginduta berritu diote kontratua jokalariei-, hortxe baitago Cvitanovic -Kraussek fitxatu du-, eta hortxe baitago, oraindik, De Paula -Kraussek taldean nahi du-. Horregatik pentsatzen dut portugaldarrak erdi-punta jokatu duela, eta, horrenbestez, zelaia erdian eskuinetik ariko da seguerenik Kuhbauer eta ezkerretik De Pedro. Aranzabalek euskarri ez duenez jokatu, nonbait kokatu behar: ezker lateralean, gaur bezala. Eta Lopez Rekarte oso-oso ongi ari denez, nonbait kokatu behar, eta berez eskuin laterala denez, eskuin lateralean kokatu du, nire ustez, Kraussek, gaur bezala.

Iritzi bat da, besterik gabe. A!, eta asko gustatuko litzaidake ekipo hori.



Lorenzo Juarros, Loren.

ANDER GILLENIA

ri onak eta ia jardunaldi defen- ditu behar izan ditugu Realeko atzelariok aurrelari onak. Guk gauzak ongi egiten baldin badi- tugu, ez dugu arazorik izango geure atea behar bezala defendi- tzeko. X